

# **IMAQARNILIAQ NA Kuummiit Sermiligaaq 08-01-2019**

**Ulloq ataatsimiiffissaq**    Tirsdag 08. januar 2019 kl. 13:00

**Ataatsimiiffissaq**        Kommunip allaffiani

# Indholdsfortegnelse

Saqqaa.....	3
Oqaluuserisassat akuerineqarnerat.....	4
Nalunaarutit.....	5
Siulittaasumiit.....	6
Allaffeqarfimmiit.....	7
Ilisimatitsissutit.....	8
Nunaqarfimmi Aqutsisuniit.....	9
Oqaluuserisassat aaqqissuunneqarnerannut ilitsersuut.....	10
Apeqquteqaatit.....	11
Aalajangiiffigisassat.....	12
Pilersaarusionermut periusissiaq P18.....	13
Qinikkat allatseqarfianut ingerlateqqitassat.....	15
Borgmesterimik ataatsimeeqateqarnissamut oqaluuserisassanngortitat.....	16
Oqaluuserisassat matoqqasut.....	17
Taasariaqartut allat.....	18
Imaqarniliap akuerineqarnera.....	19

# IMMIKKOORTOQ 0: Saqqaa

## Ilaasortat

Anders Sanimuinaq (S)

Peter Utuange (S)

Peter Uitsatikitseq (A)

Peter Nathanielsen (S)

Otto Umêrineq (S)

# **IMMIKKOORTOQ 1: Oqaluuserisassat akuerineqarnerat**

## **Beslutning**

Oqaluuserisassat akuerineqarput

## **IMMIKKOORTOQ 2: Nalunaarutit**

### **Beslutning**

# IMMIKKOORTOQ 2A: Siulittaasumiit

## Beslutning

- Qaammatip siuliani aqqissuussinernut Nunaqarfimmi Aqutsisunut qujassuteqarpoq. Napparsimanini peqqautigalugu naak peqataasarsimagaluarluni Aqutsisut sulillaarsimanagerat qujassuteqarfigaa.
- Juullip qaammataani piniartut unikallassimagaluartut, ukiup nutaap aallartinnerani ingerlalluaqqilernissaa neriuteqarfigalugu oqaseqarpoq.
- Siulittaasup tulliata decembarimi ataatsimiinnerimi matoqqasut sammineqarsimanagerat ingeralluarsimasoq oqaatigaa, taamatutaaq siunertat innuttaasunik katerisimaatitsinerannut pilersaarusiorderi ingerlalluarsimasut oqaatigalugu.
- Otto Umerineq nalunaaruteqarpoq Fabrikkimut 300 tonsit missapajaavit tuulaassuuneqarsimasut, neriullunilu tulaassuinerit ingerlallualissasut, taamaasillunilu Naalackersuisunit eqqumaffigineqarnerulernissaat anguneqarsinnaaniassamat, soorlu sanaartornikkut allatigullu inerisaanikkut.

# IMMIKKOORTOQ 2B: Allaffeqarfimmiit

## Beslutning

- Nunaqarfinnut aningaasaliissutinut Kontut aaqqissuunneqarnissaat suliakkiissutigineqareerpoq.
- Aningaasat atorneqartut allattoqqissaarneqartalissapput, qaammatikkaartumillu malinnaavigineqarlutik Qinikkat allatseqarfianut nassiunneqartassallutik.

## **IMMIKKOORTOQ 3: Ilisimatitsissutit**

# IMMIKKOORTOQ 3A: Nunaqarfinni Aqutsisuniit

Soqanngilaq

# IMMIKKOORTOQ 3B: Oqaluuserisassat aaqqissuunneqarnerannut ilitsersuut

## 3B. Oqaluuserisassat aaqqissuunneqarnerannut ilitsersuut

Ilisimatitsissut

J.nr.: 01.10-A00-1-19

[Suliffeqarfimmi Kiffartuussineq](#) - Kommunaldirektøri Lars Møller-Sørensen / LMS

### Suliassamik saqqummiussineq

Ukioq 2019 aallarnerlugu ataatsimiinnerni oqaluuserisassat aaqqissuunneqarneri nutarsarneqarput. Nunaqarfinni Aqutsisut susassaqarfiit aammalu pisinnatitaaffii eqqarsaatigalugit oqaluuserisat aaqqissuunneqartarnissaat siunertaavoq, taamatutaaq suliaakkiissutit ingerlateqqinneqartarnissaanut periuseq pitsaanerusoq qulakkeerniarlugu.

Oqaluuserisassat ilitsersuummi nassuiaateqarfigineqarput, taannalu kakkiussanngorlugu ilaasortanut aggutaaneqarpoq.

### Qinikkat allatseqarfianiit oqaaseqaatit

- 

### Inassuteqaat/Inassuteqaatit

Allaffeqarfimmiit inassuteqaatigineqarpoq:

- Ilisimatitsissut tusaatissatut tiguneqassasoq

### Ilanngussaq/Ilanngussat

- Ilitsersuut

## Beslutning

Ilisimatitsissut tusaatissatut tiguneqarpoq, naak immikkoortoq "Matoqqasut" Ilitsersuummi amigaataagaluartoq.

# IMMIKKOORTOQ 4: Apeqquteqaatit

Soqanngilaq

## **IMMIKKOORTOQ 5: Aalajangiiffisassat**

# IMMIKKOORTOQ 5A: Pilersaarusiørnermut periusissiaq P18

## 5A. Pilersaarusiørnermut periusissiaq P18

Aalajangiiffigisassaq

J.nr.: 01.10-A00-2-19

[Suliffeqarfimmi Kiffartuussineq](#) - Kommunaldirektøri Lars Møller-Sørensen / LMS

### Suliassamik saqqummiussineq

Pilersaarusiørnermut inatsimmi § 34 naapertorlugu kommunimi qinersiviusup affaa siulleq naatinnagu (tassa kingusinnerpaamik 2018/19-imi ukiup nikinnerani) Pilersaarusiørnermut periusissiasatut siunnersuut kommunalbestyrelsimit saqqummiunneqarsimassaaq. Siunissami kommunimut pilersaarusiørnermi suut aallutarineqassanersut periusissiami allaaserineqarsimassapput.

**Pilersaarusiørnermut periusissiaq P18**-imut siunnersuut ilanngussaq ima ima qarpoq:

- kommunimut pilersaarutip kukkunersiorneqarneranit kingullermilli pilersaarusiørnerup killiffia (kommunimut pilersaarutip digitaliusup Sermersooq2028.gl-ip 2017-imi marsip qaammataani pilersinneqarneranik imalik)
- siunissami ineriartortinnissaanut apeqqutit pingaarnerit nassuiaatigineqarneri
- periusissiami nutaami kingornalu kommunimut pilersaarummi aallutassatut nutaatut innersuussutit

Suliniutit nutaat imaluunniit aallutarisassat nutaat pingaartillugit pilersaarusiørnermut periusissiaq iluarsisassatut siunnersuutigineqartoq kommunalbestyrelsip aggustip ulluisa 27-anni immikkut sammisaqartinneqarnerani saqqummiunneqarpoq. Tamatuma kingorna Pilersaarusiørnermut periusissiaq P18-imut inaarutaasumik siunnersuut suliarinepoq, massakkullu inaarutaasumik akuersissutigineqannginnerani tamanut tusarniaassutigineqarluni.

### Qinikkat allatseqarfianiit oqaaseqaatit

Pilersaarusiørnermut pilersaarusiaq taamatut isikkoqartillugu taperserneqarnissaa allaffeqarfimmiit siunnersuutigineqarpoq. Nunaqarfinnut tunngatillugu periusissiami piffissami pilersaarusiørnissami aggersumi sammisarineqartussatut ataani aalajangerneqartut taperserneqarnissaat innersuutigineqarput:

- Nunaqarfiit pillugit immikkoortumut pilersaarutip piviusunngortinneqarnissaa
- Nunaqarfinni ataasiakkaani inuussutissarsiutit ineriartortinneqarnissaanut pilersaarutit
- Kapisilinnut avatangiisinik illersuiffiusumut nungusaataanngitsumullu pilersaarut

Taamatuttaaq Kommunimut tamarmut eqqarsaatigalugit suliniutissat:

- Nunami takornartitsineq qulequtakuutaarlugu pilersaarusiørneqarnerata ineriartortinneqarnera, Tasiilap eqqaa, Ittoqortoormiit, Paamiut eqqaat, Arsuup kangerlua aamma Nuup kangerlua ilanngullugit.
- Kommunimi illoqarfinni nunaqarfinnilu annerusumik minnerusumilluunniit inuussutissarsiutigalugu aalisartut piniartullu pisariaqartitaat tamakkerlugit Aalisarneq pillugu immikkoortumut pilersaarummik suliaqarneq

Naggataagullu Tasiilap eqqalu eqqarsaatigalugit:

- UNESCO-mi nunarsuarmi kingornussanut Tasiilap nunallu pissusaata akuerineqarnissaanik qinnuteqaammut pilersaarut

### Inassuteqaat/Inassuteqaatit

Nunaqarfinni aqutsisut inassuteqaatigaat:

- Aalajangiiffigisassaq akuersissutigineqassasoq.

## **Ilanngussaq/Ilanngussat**

Pilersaarusiornermut periusissiaq

## **Beslutning**

Innassuteqaaq akuerineqarpoq, Qinikkallu allaffeqarfianiit oqaaseqaatit taperserneqarlutik.

# **IMMIKKOORTOQ 6: Qinikkat allatseqarfianut ingerlateqqitassat**

Soqanngilaq

# **IMMIKKOORTOQ 7: Borgmesterimik ataatsimeeqateqarnissamut oqaluuserisassanngortitat**

Soqanngilaq

# **IMMIKKOORTOQ 8: Oqaluuserisassat matoqqasut**

Soqanngilaq

# **IMMIKKOORTOQ 9: Taasariaqartut allat**

## **Beslutning**

- Ullorsiuutit Nunaqarfinnut suli apuunneqarsimanngillat.
- Ataatsimiinnissaq eqqarsaatigalugu oqaluuserisassat siusinaarnerusumik soorlu ulluni 3-4-ni tunniuneqartarnissaat kissaatigineqarpoq, taamatuttaaq oqaluuserisassanut tunniussifissap ullulernissaat kissaatigineqarluni.

## **IMMIKKOORTOQ 10: Imaqarniliap akuerineqarnera**